

ISERIT A/S

Inissiamik naliginnaasumik
iluarsaassinerit
aserfallatsaaliuinerillu

IKKAT - QILAAQ - NATIT



Aserfallatsaaliuinissamut ilitsersuut



Inissiamik naliginnaasumik iluarsaassineq

Inissiani ataasiakkaani atorussat atortorissaarutit ikkussukkat il.il. asigiinngitsorpasuit inissisimasarput, matumanilu aserfallatsaaliuinnermut ilitsersuummi attartortunit nammineeqluni isumagineqaqqusaasut oqaluttuarineqarput, taamatullu inissiap iluani isumagisassat assigiinngitsut qanoq pineqarnissaat sammineqarluni.

Aserfallatsaaliuineq ataatsimut isigissagaanni suliassartai assassorluni sulisartutut eqqortumik isumagisariaqarput. Inissiap najugaqarfigisavit iluani nammineeqlutit aserfallatsaaliuinnermut atatillugu isumagisaqarniaruit, aammalu tamanna pitsaanerpaamik inerneqasappat, matumani ilitsersuutigineqartut malissagigit inassutigissavarput, tamatumani ikiorserneqarnissat siunertarineqarluni.

Arlaatigut nalornisaqassaguit Iserit A/S aperiinnariaavat. Misileeqattaarnerit pinaveersaakit. Kingornami iluarsaasseqqittariaqarnenut sulisartunit ilinniarsimasunit Iserit A/S-imit toqqakkanit ingerlanneqartussaassammata, taamaaliorneq akisusinnaasarpoq.

Attartornerup nalaani isumagineqartartussat

Attartukkap aserfallatsaaliorneqarsimasutut naliginnaasumillu iluarsaanneqarsimasutut isikkoqarnissaa - qilaanik qequinerit, qalipaasimaneq aamma / imaluunniit iikkaniq tapet-ilersuineq kiisalu inissiap iluani naternik lak-erinerit attartornerup nalaani attartortut illit akisussaaffigaatit.

Attartornerup nalaani attartukkanni aserfallatsaaliuinissannut pisussaaffik naammassineqarsimangippat, inissiamik paarsinerlussimanerup kinguneranik aqqissuussinissat pillugu Iserit A/S-imit qinnuigineqarsinnaavutit, imaluunniit illit akiligassannik suliassartaasut aallartinneqarnissaat Iserit A/S-imit aalajangerneqarsinnaalluni.

Inissiamik qimatsinermit

Inissiamik qimatsinermut atatillugu attartukkavit naliginnaasumik iluarsaannissaa nammineeqlutit isumagisinnaavat, taamaassanngippalli qimatsererunerup kingorna isumagineqartussat Iserit A/S-imit aallartinneqassapput. Tamatumani aningaasartuutaasut qularnaveequsiissutitut akiliutigisimasannit ilanngaatigineqassapput.

Attartukkanni nammineeqlutit naliginnaasumik iluarsaassinissanik isumaginninniaruit suliassap isumaginerani, atorussanik toqqaanerni il.il. ilitsersuummi matumani aalajanger-sakkat malinneqartussaaneerit eqqumaffigissavatit.

MALUGIUK: Attartortut aserfallatsaaliuinissamik pisussaaffik attartornerup nalaani atavartumik malinneqarsimangippat attartornerup nalaani atornerluisimanertut isigineqassaaq, tamannalu Inissianik Attartortitsisarneq pillugu Inatsisartut peqqussutaanni nr. 2, 12. maj 2005-imeersumi § 78-imi allassimasut naaportorlugit attartukkamik qimatsinermit ilanngaataasusannik pissarsinissaq ajornassalluni.

Udgiver: Iserit A/S · Postboks 1539 · 3900 Nuuk · Tel: 36 30 00 · Mail: iserit@iserit.gl · www.iserit.gl

Layout og grafisk produktion: Info Design aps · Nuuk · 2015


Qalipaaniisaq aallartilluarniaraanni...

ILISIMASASSAT - qalipaannermut atatillugu isumagisassat

Qalipaalersinnak qalipaaffissavit aalajaatsuunera, salillaarsimanera, tunisinaannginnera panersimanelu qulakkiissavatit. Aallartinnginnermi isumagisassat sukumiisumik ajunngitsumillu naammasseqqaarnissaat imminut akilersinnaalluarpoq, taamaalioruimmi kusanartumik naammassinissaannut periarfissaqarluarnerussaait.

Qalipaalermissap aallartinneqannginnerani naqqa tikillugu eqqiaasinnaasumik qaqorsaat iikkanut atussallugu naleqquttumik atorlugu qalipagassap eqqiarlu-aqqissaaqqaarnissaa pingaaruteqarpoq.

Qalipareersimasat qalipaaticimikkut qillernerimikkullu assigiissutut isikkoqasapput. Putoqarpat nuttaqarpallu tamarmik matullugit qallerneqaaqqaassaput. ligaagunik teqequugunilluunniit manissuussapput. Qalipaannermi atorlut tamarmik akuerisimasaasimassapput.



QILAAQ - QILAAQ - QILAAQ - QILAAQ - QILAAQ - QILAAQ

Qilaaq qalipassimasoq

Attartortutut inissiap iluani qilaat qalipalluarsinnaavatit, tamannali navianartortaqaarsinnaasoq Iserit A/S-imit ilisimatitsissutigissavarput.

Iserit A/S-imi ataasiaannarata qilaat qalipanneqarsimanerini katagarsimanerit takusarsinnaavagut, namminerlu isumaginiaraanni taamaalisoortoqaarsinnaanera annikinnerulissanani.

Aallartinginninni makku eqqumaffigissavatit:

Qilaaq gips-imik beton-imillu sanaaq

- Qalipaataajarsimaffii qapiarneqarlutillu putoqassappat kitsiterneqassapput.
- Tamanna pereerpat qilaa asanneqassaaq.
- Simersimasoqarpat immikkut salinneqaqqaarlutik siulinneqassapput, tamassumalu kingorna qalipaata imermik akuneqarsinnaasoq imaluunniit qalipaata plasteq atorlugu qalipanneqarsinnaalerluni.



Qilaaq qisummik sanaaq

- Pujoralaajaanikkut imaluunniit pujoralaajaat atorlugu saliinikkut ulluinnarni eqqiaaneq ingerlanneqarsinnaavoq.
- Qilaat annertunerusumik eqqartariaqassappata naqqa tikillugu eqqiaasinnaasumik qaqorsaata atorlugu asanneqarsinnaapput.

Qilaaq qisummik sanaaq Iserit A/S-imit akuersissummik peqqaarani qalipaqqusaanngilaq.



IKKAT - IKKAT - IKKAT - IKKAT - IKKAT - IKKAT

likkat qalipannissaat

likkat pilattornikunik assigisaannillu akulinnik tapetilersukkat qalipallugit qallerneqarsinnaapput. likkat qalipannikut tapetitaqanngitsut aamma taamatut qalipanneqarsinnaapput.

likkat qalipanneqarnerminni naligiissumik assigiissumillu isikkoqartinneqassapput. Ataatigut iikkiussat, siliniussat, nateq, innaallagissamut kappuffiit il.il. qalipaammik attorneqassanngillat.

Taamaammatt peqqissaartumik assersuinissaq pisariaqarpoq, qalipaammillu kusersoor-tooraanni ingerlannaq allarummik masattumik tamanna allarterneqassaaq. Ataatigut iikkiussat, siliniussat, innaallagissamut kappuffiit, nateq il.il. qalipaammik kuuffigineqarsimassapata salinnissaannut illit kiliiisussanngortinneqassaait.

Inimi, ineeqqani torsuusami paarlermilu iikkat

- likkat eqqiarneqassapput, putoqarpata putut matuneqassapput qalipaammillu plast-imik qalipanneqassallutiik (glans 10).



IKKAT - IKKAT - IKKAT - IKKAT - IKKAT - IKKAT

Uffarfimmi perusuersartarfimmilu ikkat

- Ikkat asalluarneqassapput, arlaatigullu putoqarsimassappat siminneqassallutik, ininulu isugutattunut qalipaammik naleqquttumik (glans 50) qalipanneqassallutik.
- Uffarfinni perusuersartarfinnilu il.il. ikkat (igaffiup silarlia, igaffimmi ikkani kissarsuutip eqqaaniittuni qalipatat il.il.) qalipanneqartinnatik qaqorsaas naleqquttoq atorlugu naqqa tikillugu eqqiarneqaqqaassapput, kiisalu naggataatigut imermik akoqanngitsumik allarterneqassallutik (immikkut ilisimasalimmut / niuertarfimmut illuni atortussaarniarfimmut paasiniaagit).



IKKAT - IKKAT - IKKAT - IKKAT - IKKAT - IKKAT

likkanik tapet-ilersuinerit

- Ikkat tapet-eqareersut tamakkiisumik ataluarnersut misissorneqassaaq, qinnerit, kikisat il.il. piiarneqassallutik
- Putoqaarfii matoorneqassapput, pisariaqas-sappallu qapiagassat isumagineqassallutik qillersarneqarsallutillu
- Ikkkanik tapet-ilersornermi naligiissaarisooqas-saaq - eqingasoqarani, - katiternerinilu ersit-toqarani.
- Rutex (pilattornerlukunik sanaat) tapet-illu allat assingusut ikkussonerini naligiissaarinis-saq pingaaruteqarpoq. Tapet-i atareersoq qal-leraanni katiternerinik ersittoqassanngilaq.

Ikkat Rutex-imik assigisaannillu qallersornikut taamaallaat qalipanneqarsinnaapput. Taamatuttaaq ikkat qalipareemikut tapet-itaqanngitsut taama pineqarsinnaapput.

ILISIMASASSAT - Aallartin-ginnermi isumagisassat

Suliassat tamarmik piareersar-nernik aallartinneqartarput. Pi-pallallutit iluamik pingikkuit, imaluunniit piareersaatissat isu-maginnikkukkit suliap inerner-a qaqutigut naammaginarsinnaa-sarpoq. Allaat imaassinnaavoq tapet-ilersuineq naqqaniit aal-larteqqittariaqassagit, tamanalu aningaasat piffissarlu eqqarsaa-tigalugit qanoq atuinartiginngila.

Rutex tapet-illu assingusut qaavasigut allanik tapet-ilerfigeqqusaanngillat.

Matut sikaaviillu matui tapet-ilersoqusaanngillat.

Tapet-it pillugit mikisualuit...

Pisinarfinni tapet-it assigiinngitsorpassuit nassaassaapput, Iserit A/S-imilli sorliit pitsaanerunersutut taakkartuissalluta inassuteqassanngilagut. Tamatumani tapet-niamut saaffiginninnissat inassutigiinnassallugu. Tassani tapet-ilerfissavit qanoq isik-koqarnissaa, nipinnequtissat sorliit atussaneritit il.il. pillugit paasiniaasinnaavutit.



NATIT - NATIT - NATIT - NATIT - NATIT - NATIT - NATIT

Natit aamma alloriusat qisuit

Natit aamma alloriusat qisuit lak-imik qallerneqarsimasut lak-ip naqqata tungaanut nungullarsimanginneri takuneqarsinnaanngitsutut isumagineqarluarsimasutut isikkoqartinneqassapput. Nateq lak-ertinnagu sukumiisumik eqqiarneqaqaassaaq, tamannalu qa-qorsaat naliginnaasoq (immikkut ilisimasalimmut / niuertarfimmi illumi atortussaarniarfimmi apequtigiuq) atorlugu isumagineqarsinnaavoq.

- Imiinnaq atorlugu arlaleriarluni kingunerneqartussaavoq, panerluarsimanissaalu utaqeqqaarlugu lak-erneqarsinnaalissalluni.
- Lak-ertinnaguli nateq siorartigarterneqqaassaaq - taamaaliunngikkaanni lak-i iluamik atasinnaassanngilaq.
- Nateq pujoralaajarneqassaaq, lak-ilu akoqanngitsoq taniguunneqarluassalluni. Qillertillugu inernianninneqarpat lak-i plastikertalik nammineerluni manngertittartoq atorneqarsinnaavoq.
- Nateq tamakkerlugu lak-ertinnagu nungullarnerusimasut pisariaqartitsinerusullu aallartiffiqarsinnaapput.

Naternik lak-iaanerit qapiaanerillu immikkut ilisimasalinnit isumagineqassapput.

Nateq eqqiatissamik imerpalasumik siornatigut asanneqartarsimangik-kuni taama asanneqassanngilaq

Natit simissiamik sanaat

- Pujoralaajaat atorlugu ulluinarni eqqiarneqarsinnaapput, sukumiine-rusumilli eqqiarniaraanni natit asaammik siggorluarsimasumik panersarneqqaassapput.



Qalipaatinut arrorsaait kimittuut, soorlu acetone imaluunniit imerpallarsaatit, atoqqu-saangillat.

Natit vinyl-it

- Natit vinyl-it imermik qa-qorsaatitalimmik asariallugit asaammik siggorluakkamik panersarneqassapput.

Natit vinyl-it quatsissinnaammata qillersorneqarnissaat siunnersuutigineqarsinnaanngilaq

Natit marriamik illisaasaliat natsisilersukkallu

- Imermik qa-qorsaatilikkamik (qa-qorsaatit aggukkat iml. qa-qorsaat kajortoq) akuttunngitsutigut asattarlugit isumagilluarneqarsinnaapput.
- Natit marriamik illisaasaqartut eqqiareerneqarsimasat aamma uuliamik taninneqarsinnaapput (immikkut ilisimasalimmut / niuertarfimmut illumi atortussaarniarfimmut paasinaagit).